

青瑣劉丞相赴舉京師過獨木鎮有老叟贈詩曰今年且跨窮騾去異日當乘寶馬歸又曰公自是羅浮山玉源道君歐陽詩話石曼卿死後人有恍惚見之者云我今爲仙主芙蓉城騎一素騾如飛後又降於舉子家留詩云鶯聲不逐春光老花影長隨日腳移

煙蘿三友竹溪六逸

眞誥鄭遨字雲叟舉進士不第唐末振衣遠去入少室山爲道士有二青童一鶴一琴從之遊處與梁室權臣李振友善振欲祿之拒而不諾旣而振得罪南遷遨徒步千里往省之由是聞者益高其行遨聞華山有五粒松脂淪地千年化爲

道藏輯要

三洞群仙錄

雷

翼集五
川文X

藥能去三尸因徙居華山與道士李道盛羅隱之三人爲煙蘿友世目之爲三高士

唐李白善縱橫術擊劍爲任俠輕財重施客任城與魯中諸生孔巢父韓準裴政張叔明陶沔居徂來山曰沉飲酣歌號竹溪六逸

王探投簪韋節還紱

丹臺新錄王探字養伯太原人也神標穎秀幽樞潛密靈規洞洽絳精凝皓景繁霄衢誠凝玉陛所以瑤林翳蒼仙浪滌渟故能驪首拔藻延頸入素初因吕后攝政權任中常之職至文帝龍飛乃投簪鳳闕天子禮賢以道稱爲逸人